

ПАХТА ЙИҒИМ-ТЕРИМИГА ПУХТА ҲОЗИРЛИК КҮРИЛМОҚДА

Бугун Риштон туманинда спорт мактабида фермерлар учун семинар ташкил этилди.

Семинарда вилоят ва туман ҳокимлиги раҳбарлари, фермер хўжаликлари раҳбарлари иштирок этишди.

Семинарда терим мавсуми олдидан олиб борилаётган тайёргарликлар ҳақида сўз борди ва пахта йиғим-терими мавсумида бажарилиши лозим бўлган энг муҳим вазифалар белгилаб олинди.

Эътиборлиси, қўлда териб олинган бир килограмм пахта учун 1 минг сўм ҳақ тўланади. Бироқ теримчиларни қўллаб-қувватлаш, моддий рафбатлантириш мақсадида, тумандаги пахтачилик кластери - "Rus -O'zbek teks" қўшма корхонаси ҳар килограмм пахта учун қўшимча 300 сўм миқдорида пул тўлайди. Бундан ташқари, йиғим-терим давомида теримчилар ҳар куни тиббий ниқоблар ва антисептик воситалар билан кластер томонидан бепул таъминланади.

Таъкидланишича, туманда пахта йиғим-теримига ҳар томонлама пухта тадорик кўрилмоқда. Хусусан, кўп йиллардан буён кутилганидек самара бераётган отряд усули бу сафар ҳам татбиқ этилиб, якунда юқори натижадорликка эришиш мақсад қилинган. Туманда бунинг учун 100 та отряд шакллантирилди. Уларнинг ҳар бири 100 нафаргacha теримчини ўзида жамлайди. Шу тариқа, бу йилги мавсумда 10 минг нафар теримчи пахта йиғим-теримида қатнашади.

Семинарда, шунингдек, Риштонлик пахтакорларнинг сўнгги икки йилда қўлга киритган натижалари ҳам ёдга олинди.

-Сўнгги йилларда Риштонликлар биринчилардан бўлиб режани ортиғи билан бажариш жуда катта гап, - деди вилоят ҳокими ўринбосари Х. Умаров. - Энди орқага йўқлийўк! Факат олға интилишимиз керак! Президентимиз биздан катта-катта мэрраларни кутяпти. Келинглар, холис ният қиласлики, бу йил ҳам риштонликлар ушбу натижаларни такрорлашсин, етиштирган ҳосиллари омборларга сиғмай кетсин! Пахта бу - пул! Янги фабрикалар, қўшма корхоналар, минглаб иш ўринлари, қўшимча даромад манбаи бу - пахта! Кўпчилик билан, ҳамжиҳатлик билан, уюшқоқлик билан бўладиган иш бу. Мен бу борада Суфҳонжон Солиев бошчилигидаги командага, сектор раҳбарларига, фермерлар, шофёрлар, механизаторлар, теримчи опа-сингилларимиз, умуман, мавсумда қатнашадиган барча фидойиларга ғайрат-шижоат тилайман.

2020-08-15 15:51:27